



SIARAN SERTA MERTA
MOTAC.100-2/1/18 JLD4 (5)

KEMENTERIAN PELANCONGAN, SENI DAN BUDAYA

SIARAN MEDIA

MALAYSIA BAKAL MENJADI HAB UMRAH TERBESAR DI RANTAU ASIA

Kementerian Pelancongan, Seni dan Budaya (MOTAC) dalam perancangan untuk memperkenalkan Malaysia sebagai hab umrah yang bertujuan untuk menghimpunkan jemaah seluruh dunia khususnya di rantau Asia.

Oleh itu, saya akan mengadakan pertemuan dengan YAB Perdana Menteri, Dato' Seri Anwar Ibrahim dalam masa terdekat bagi membincangkan perkara ini seterusnya merealisasikan secepat mungkin.

Saya bersama pasukan di MOTAC akan mempromosikan program ini ke negara-negara tumpuan seperti China, Korea, Jepun, Thailand, Filipina, Indonesia dan negara-negara serantau untuk menarik mereka melancong ke Malaysia serta memproses visa sebelum mengerjakan umrah.

Manakala Timbalan Menteri saya, YB Tuan Khairul Firdaus bin Akbar Khan pula diberi tanggungjawab sepenuhnya untuk menguruskan perkara ini. Kaedah pelaksanaan dan perincian berhubung program ini akan diumumkan kelak.

Objektif program ini bukan sahaja demi memberi manfaat dari sudut pertumbuhan ekonomi negara, tetapi juga bertujuan untuk mempromosi Malaysia sebagai sebuah negara Islam yang membangun dan berdaya saing selaras konsep Malaysia Madani.

Dato Sri Tiong King Sing, JP
Menteri Pelancongan, Seni dan Budaya
21 Jun 2023
PUTRAJAYA

Dikeluarkan oleh:
Unit Komunikasi Korporat
KEMENTERIAN PELANCONGAN, SENI DAN BUDAYA (MOTAC)
Tel: 03-8000 8000 Fax: 03-88917181
Website: www.motac.gov.my Email: info@motac.gov.my
Facebook, Instagram & Twitter: @mymotac